



Brigitte Schnetzler (immez) da Sent spordscha daspö desch ons vacanzez per persunas cun ün impedimaint.

FOTOS MAO

Vacanzas accompagnadas a Sent

La sporta exista daspö desch ons

DA ROMANA DUSCHLETTA / ANR

■ **La famiglia Schnetzler Piguet da Sent spordscha daspö desch ons vacanzez per persunas cun ün impedimaint. Per sgürar finanziailmaing quista sporta a lunga vista es gnüda fundada dal 2005 la societä «Vacanzas accompagnadas a Sent».** Avant ün decenni ha cumanzà la famiglia Schnetzler Piguet da Sent ad organisar vacanzez per impedits. Quella jada vaivan *Brigitte Schnetzler* e seis hom fabricchè sü plan a plan üna pensiun cun localitads adattadas per persunas cun ün impedimaint. «Noss' intenziun d' eira da dar a persunas handicapadas la pussibilità da passantar pro nus a Sent lur vacanzez», disch Brigitte Schnetzler, l' iniziata dal proget «Vacanzas accompagnadas a Sent» e possessura da la pensiun. Dal 2005 es lura gnüda fundada la societä «Vacanzas accompagnadas a Sent» per sgürar las finanzas e la sporta a lunga vista. Ils giasts vegnan chürats ed accompagnats da la famiglia Schnetzler Piguet e plüs collavuratuors in cumün d'ürant lur vacanzez e tenor lur bsögn. Bundant 150 persunas cun differents impedimaints han passantä d'ürant ils ultims desch ons

3000 dis da vacanze a Sent. E la gronda part dal els ruorna adüna darcheu.

Ün'atmosfera familiara

Il team chi pissera pels giasts as cumpuona da persunal qualificchè i'l sector da chüra, pedagogia e fliamaint. Las activitats vegnan accompagnadas da persunas cumpetentas e dad üna praticanta chi sustegna il team. In chasa es eir adüna üna persuna chi fa servezzan da not. A bunura ha mincha giast la pussibilità da culazchunar in cumpagnia. «Però minch'ün es liber e po decider svesa fin cur ch'el vuol durmir», disch Brigitte Schnetzler. L'igierna a bunura vain sustgnüda dal persunal da fliamaint ed in cas plü difficils da la Spitetex. D'ürant il di vegnan sportas spassegiadas, excursiuns o üna visita aint il Bogn Engiadina a Scuol. Ils giasts han eir la pussibilità da far la posa d'ürant il di. «Ils collavuratuors cuschinan per tutot la cumpagnia e blers da noss giasts han gust schi pon güdar a far giò mailinterra, tagliar verdüra o simplamaing masdar aint illas padellas», intuna la possessura da la pensiun. Ils giasts giordan eir il chantar, discorrer, giovar e zambriar da cumpagnia. Davo tschaina

vegna fat üna cuorta spassegiada e mincha giast po dir cur ch'el less ir a durmir.

Dependents da donaziuns

«Da mantegner quist proget nun es e nu d'eira adüna simpel», manzuna Brigitte Schnetzler. Quista pensiun vain missa a disposiziun per far vacanzez e nun as po tenor ella congular cun üna chasa da chüra chi spordscha lös d'abitat d'ürant tuot l'on. «Il caracter familiar da la sporta nu's cunfa uschè dal tuot cullas structures da las instituziuns subvenziunadas da la sgüranza d'invalidità. Perquai nu survain la societä «Vacanzas accompagnadas a Sent» fin hoz ingünas contribuziuns o subvenziuns davart la sgüranza d'invalidità dal stadi e dal chantun ed es dependenta da donatuors», declera Brigitte Schnetzler. In sonda, ils 6 october vain festagià l'anniversari da desch ons «Vacanzas accompagnadas a Sent» cun ün aperitiv da las 16.00 a las 18.00 sülla ruina San Peder e scha l'ora nu permetta schi ha lö l'aperitiv illa pensiun da la famiglia Schnetzler, Via Sura a Sent. Bainvis sun commembers da la societä «Vacanzas accompagnadas a Sent», donatuors da societads, fundaziuns e privats sco eir interessats.



La pensiun as rechatta a l'ur dal cumün ed ha duos chombras singulas, üna chombra dubla, üna chadafö ed ün bogh.



Ils giasts güdan gugent in chadafö als collavuratuors da Brigitte Schnetzler.